

Centurion laat Quins-Bobbies ielik bontstaan

Koos Venter

Centurion Rugbyklub se eerste span het Quins-Bobbies (QBR) die naweek redelik maklik in 'n Superliga- en Carltonbeker-wedstryd geklop.

Dit was sekerlik 'n verligting vir die span, wat tot dusver vanjaar wisselvallig vertoon het.

In die enigste wedstryd waarin plaaslike klubspanne die naweek betrokke was, het Centurion ses drieë gedruk om op hul tuisveld met 45-22 te wen.

Riaan Brand se manne het vroeg reeds toegeslaan en was teen rustyd al 24-10 voor.

Quins-Bobbies het self 'n bonuspunt verdien met hul vier drieë.

Centurion se oorheersing voorlans en aggressiewe verdediging het hulle egter in staat gestel om in die eerste helfte reeds beheer te neem van die wedstryd.

Jacques Olivier en sy troepe het geteer op foute van QBR, terwyl hulle daarin geslaag het om blitsvinnig met teenaanvalle punte aan te teken wanneer hulle omgekeerde besit bewerkstellig het.

Ná vier drieë in die eerste halfuur van die

wedstryd was die tuisspan reeds 24-5 voor op die telbord en QBR moes daarna kanse begin vat om dié agterstand te probeer inhaal.

Dean Ackerman en Christiaan Burger van Centurion kan beslis ook in 'n baie gedugter senterpaar ontwikkel as hulle beseringvry bly.

Hulle het hul teenstanders laat bontstaan op die aanval en elk twee keer gaan druk, terwyl hulle ook gereeld ruimte kon skep vir hul twee haastige vleuels, Denver Grootboom en Curtley Brinkhuis. Laasgenoemde het self twee keer die doellyn gehaal.

Dié twee spanne het nou elk drie keer gewen en drie keer verloor, en op hierdie stadium lyk dit of hulle in 'n verbete stryd betrokke kan wees om onder die topvier in die Superliga te eindig ten einde 'n plek in die halfeindronde te kry.

Ondanks dié nederlaag, bly QBR 'n gevaarlike span wat met enige ander span in die liga kan afreken.

Dié span van Groenkloof het eerskomende naweek 'n loslootjie, terwyl Centurion die eerste ronde van die kompetisie afsluit met 'n wedstryd



Centurion se puntemakers in Saterdag se klubrugbywedstryd teen QBR. Van links is Gaybrin Smith, Jacques Olivier, Curtley Brinkhuis, Dean Ackerman en Christiaan Burger. Foto: Johanna de Vos.

teen Tuks, die voorlopers in die Superliga sowel as die Carltonbeker.

As Olivier en sy manne egter kan voortbou op die vertoning teen QBR, kan

hulle dalk teen Tukkies verras.

ABE Midas Naka Bulle reis eerskomende Saterdag na Rustenburg vir hul belangrike wedstryd teen Impala.